

缶

廬

詩

予幼失學復遭離亂亂定奔走衣食學愈荒矣然大雅  
宏達不肯薄視予恆語以詩心怦怦動私讀古人詩仿  
爲之如盲人索途茫然昧然不知東西南朔也積久成  
帙無失題無長篇取遺寥寂而已稍出示人人憐而許  
焉遂大喜擬付手民庶無負良朋之鼓厲與十餘年學  
吟之苦心或寵以序褒多而貶少夫飾芻靈以衣冠衣  
冠白衣冠芻靈自芻靈耳豈予所禁當哉故勇於割愛  
輒疏其緣起如此淮南子曰使人信己者易蒙衣自信  
者難倘謂自信子何敢光緒癸巳春王月昌碩自記

缶廬詩卷第一

安吉吳俊倉頌

卽事

野火連天百草摧平原落日鳥飛回將軍軍令如山重  
獵騎翻從市井來

宿曉覺寺

寒月一庭霜安禪段石牀遙泉入清夜落葉響長廊  
護葺朝火鄰春隔歲糧老僧知梵字聊與攷盧倉

龍安院尋竹逸上人

啟嘔谿壑深蒼翠靄沈沈微雨野花落空山  
磬音穿

雲樹突兀隔水氣蕭森欲問高人宅樵夫何處尋

鄆南道上

木落天氣清長涂策馬行浮雲參野色斜谷走谿聲樹  
冷文殊宅田蕪晏子城不堪頻極目蟲鳥雜悲鳴

獨松關

古木參天石磴盤南朝半壁歎偏安空憐王氣餘荒壘  
猶有風雲護遠巒自古武臣言戰易從來殘局獨支難  
卽今四海激清日地險何須問守官

送施紫明先生北上

相送臨江邨愁人幾斷魂三春風雨晦兩岸樹林昏客

思隨滄海長涂繞薊門別君思遠道攜手復開尊

庚辛紀事

徧地戈矛起于今竟莫逃涂爭界牌出

界牌廣德州地名

營指

石岐高

石岐安吉縣山名

昏黑見烽火腥紅認戰袍鄰封淪陷

盡誰與建旌旄

鄉愚明大義甯死不虛生賊勢如焚火民心亦背城持

將錢鑄器禦此虎狼兵殺氣騰昏曉隆隆戰鼓聲

百里敵雲開長驅大隊來紅巾揮戰纛白日蔽塵埃一

炬盡焦土幾家沈劫灰何方堪避地有路是泉臺

荒竄入窮谷終年隱姓名潛身疑有術禦賊苦無兵徧

地驚烽燧馮天斷死生古來同歷劫敢作不平鳴

夜賊何方至逢人但舉刀哭聲殷風雨亂走劇波濤入  
谷愁無路攀厓恐未高桃源更何處僵卧且蓬蒿

風雪草堂低嗷嗷倍苦悽有家若縣磬縱飯亦充泥顏  
色慘疑鬼藩籬觸類羝空山鮮薇蕨何處著夷齊

蒼生頻履難造物豈無因異病來災沴全身信鬼神招  
魂哀弱弟蕕骨痛慈親獨子誰憐恤依依向四鄰

五載離鄉縣逢人失故吾道旁尸偃仰草際血模糊月  
黑野狐出天陰怨鬼呼西風滿懷淚慘慘聽嗚烏

骨肉餘生幾追隨父與兒流離真瑣尾微幸出艱危弓

治延新澤盃捲動舊悲殘書三五尺喜下仲舒帷  
痛定還思痛嗟予敢晏安青氈猶坐守黃卷未拋殘夢  
裏無家別生前行路難吟詩多苦調淚灑北風酸

歸舟

十畝蒲帆一葦航歸舟好趁晚風涼夕陽初棹溪雲溼  
知有人家住水鄉

晚步

楊柳依依拂遠汀東風吹我過溪亭亭中久坐無人到  
隔岸遙山一抹青

登高

年年頻落魄，今歲更蹉跎。作客離情慣，登高感慨多。歸心雲壓斷，秋意雁驚過。極目蕭條甚，茱萸恨若何。

秋興

木落雁飛高，霜寒蟲語細。卷簾月自明，愛此清秋味。

靈隱寺

樵路出諸天，亭空繫冷泉。險疑山欲赴，清到磬無邊。果落溪蟻歛，落封石佛眠。何當段禪榻，塵夢滌秋煙。

歸金麓山

夕陽逗林薄，獨自返柴關。飛鳥戀故木，行雲思舊山。逢人問親友，方語雜荆蠻。時多楚人墾荒惆悵清溪上空餘，水一



灣

寒食登金麓山

故鄉馮弔黯銷魂  
賸水殘山冷一邨  
溪上草堂何處是  
劫餘耆舊幾家存  
荒原有鬼悲風雨  
寒食無人泣墓門  
歎息平林棲鳳地  
年年杜宇換嗁痕

金蓋山

漫山白雲起浩蕩  
得茲遊竹影暗交翠  
天風橫素秋鳥  
嗁溪澗寂花落洞  
門幽多少巢居客  
黃冠只自由

寄徐渠生孝廉士駢海上

荒城日蕭索  
獨坐更誰親  
無事消殘歲  
清游憶故人  
寒

山生紫翠落日冷松筠悵望離羣客相思在海濱

富六泉山人朱正初

銅嶺關頭獨往還六泉門徑久蕭閒青蘿補屋宜藏月  
紅葉漫天坐看山兩地牽懷兒女小一身行蹟髣毛斑  
勸君莫動思鄉念來共蕪園屋數間

題畫

傑閣雲與齊危梯崖共峻山水共空濛雲影澹無定亭  
深秋氣涼雨餘松色淨幽人何處來攜琴入蘿徑

湖濱小劫圖爲某卿宗丈容光題去粵寇亂時已  
廿餘年

歷地隳雲黑連邨劫火紅天心何太酷人事竟無功救  
援軍何在東南路已窮湖山七十二慟哭起悲風  
鉦鼓喧湖上倉皇盡室逃幾人餘虎口一命等鴻毛冰  
雪漫漫阻烽煙莽莽高臨流還脫險生死信天操  
天道有時復湖山長此青別來人故故相對夢惺惺流  
寓當年境傳家舊日經披圖一回首十萬痛生靈  
我亦遭兵燹餘生劫後存荒郊曾灑淚野葬一招魂骨  
肉成浮寄田園廢舊邨不堪身世感此境悵同論

刻印

贗古之病不可藥紛紛陳鄧追遺鞿摩抄朝夕若有得

陳鄧外古仍無功天下幾人學秦漢但索形似成疲癯  
我性疏濶類野鶴不受束縛彫鐫中少時學劍未嘗試  
輒段寸鐵驅蛟龍不知何者爲正變自我作古空羣雄  
若者切玉若者銅任爾異說談齊東興來湖海不可遏  
冥摛萬象游洪濛信刀所至意無必恢恢游刃殊從容  
三更風雨鐙焰碧墻陰蔓艸啼鬼工捐除喜怒去芥蒂  
逸氣勃勃生襟胸時作古篆寄遐想雄渾秀整羞彌縫  
山骨鑿開渾沌竅有如雷斧揮豐隆我聞成周用璽節  
門官符契原文公今人但侈摹古昔古昔以上誰所宗  
詩文書畫有真意貴能深造求其通刻畫金石豈小道

誰得鄙薄嗤彫蟲嗟予學術百無就古人時效他山攻  
此蜉豈敢撼大樹要知道藝無終窮刻成褻手窗紙白  
皎皎明月生寒空

登樓

湖上歸來舊有家登樓不見好雲遮麥苗青泛連畦水  
罌粟紅堆十里霞海內奇荒悲鐵淚

丁丑戊寅間河南山西大饑刊鐵淚

圖勸吳中淫雨病春花山民何處爲生計已過清明未  
采茶

鄣吳邨雜詩

莽蒼躡林麓迷離認草菴唯餘古松樹掩映下溪南別

墅何時築浮生此足耽菟裘吾舊隱秋井試泉甘  
高閣動晨眺愀然聞鷓鴣鈴長風披落葉秋色椒荒垌樹  
帶郵亭古山浮別縣青數行題墨處清淚憶趨庭

山溪

山溪易雲雨相對輒朝昏亂石迎風色秋潮抵樹根蓬  
鬆新澗竹蕪沒舊煙邨去住渾無定沙頭驗水痕

題畫

秋山無片雲一徑擁紅樹古道少人行橫飛見孤鷺何  
處野人居柴門臨古渡

冬夜

出洞山風黑浮天月色黃千林籠霧氣四野失星芒陰  
壑猩猯歎寒城草樹荒吟詩聽殘柝獨坐一燈長

讀金鐵老先生詩稿

鐵老名樹本又  
號麗生泉唐人

壁壘建安敵性情湖海知先生眞耆古上壽固其宜展  
卷商懷抱臨風想髣絲姑蘇臺畔月相見立多時

南樓清明

南樓自昔曾聽雨此日馮窗悵晚晴芳草天涯迷燕子  
桃花吳市放清明重來朋舊半爲鬼李臯臣邪張玉斧  
嶼七年中相繼而逝  
愁裏江山獨自行欲寄離懷杳無處可堪黃鳥隔牆

鳴

寄萬東園表弟春涵

東園眾山阿門繞青松樹思君白雲外望我江南路江  
南何所戀日夕抱沈痼黃華客中遲佳節愁邊度遙憶  
山中時結契共清素晨鐘子乍興看竹每同步揖別未  
經歲君顏夢頻遇欲呼江上船秋風冷魚具

蕪園圖自題

大鈞無遺澤萬物遂其私榮悴閒不同亦復得安之蕪  
園何所蕪人與蕪園期卽此足容託荒陋安足辭遙遙  
望白雲慨然發長思



寂寞山城隅地偏荆榛長赤手把長鑿種竹開茅堂念  
昔歸仁里高曾茲允臧滄桑人世殊三徑久已荒卜居  
桃城中未殊居故鄉故鄉雖未遠易地心憂傷邱壟望  
不見四山雲茫茫

生我母云亡撫我母尤瘁三復哀哀詩益痛靈椿逝手  
澤鮮故書杯棬無舊製敢謂子克家析薪懼重寄茅屋  
八九閒庶無塵鞅累願爲隴晦民潛修足自遂

家食苦不給買舟湖海游讀書未十年竊媿升斗求妻  
孥守荒蕪谷鳥鳴啾啾人生天地閒局促甯自由

秋風日以涼秋草淒以綠亦復愛吾廬攜圖寄遙矚煮

字未療饑一身徒僕僕吁嗟梅與鞠終年長濩落

歸隱既未能披圖空神往念我手植梅及今應一丈桑  
柘舊時陰先人所長救幾年未料理出門徒惘惘客中  
雖云樂故園終蕭爽何日拋微祿永作蕪園長歲寒以  
爲期賦詩作息壤

坐雨和鐵老先生

窗外雨如鏃驟涼生葛衣滿庭蕉葉大入坐草蟲飛興  
賴殘書遣秋遲一雁稀虛舟何處著江海願同歸

曾爲  
題虛

舟縱  
浪圖

與鐵老話舊

七十老翁何所求用摩詰句洪濤逆浪挽虛舟  
來自醉碧筩酒行散一登黃鶴樓  
不盡美人秋水思每深風雨夜  
鐙愁八年前記蘇臺月無恙清光照白頭

蘿塢

西湖岳廟前有枯木一本高百尺大十圍藤蘿緣其上遠望之如塢形名之曰蘿塢題見西泠酬唱集

一木枯不春直幹無尺枉薜蘿盤千層  
幻作浮屠像鄂王功不成忠氣塞天壤  
廟前草木奇卓立人共仰葉露墮舍利光  
耀秋月朗古藤護雲雷深根窟魍魎黃妃與  
保俶湖上塢有兩此獨天功成不許人力彊  
樵斤長斂

步法雨滋培，菽晨煙眾鳥集。鳴作梵唄響，危綠具階級。  
凡體焉得上，裴回望絕頂。欲策夸父杖，詠物并懷古。相  
和歌慨慷，想見日落時。英風颯來往。

閨思

斜月照高樓，輕寒入繡幕。庭院寂無人，馮闌數花落。

自題小像二首像獨坐松石閒王復生筆也

松如古仙人，石爲壽者相。共秉堅貞心，不變古形狀。王  
郎工寫生，著我坐清曠。澹焉忘塵慮，高契羲皇上。羲皇  
不易求，無懷未遽讓。誰解靜中趣，南山兀相向。

別墅下溪南，繞屋種松樹。秋空巢鶴歸，明月照山路。下

有讀書堂是我舊吟處  
離居十七載鄉社竄狐兔  
桃州今小住屋近桃花渡  
鉏梅引春氣種鞠待秋暮  
安得移靈根南軒救風露

憶內

竹裏西風撥破屋無眠  
定坐鐙前卜誰家馬礮聲  
隆隆大兒小兒俱睡熟

涂中雜題

旅雁淒一鳴歸期渺何許  
前邨楓葉林西風紅數里  
夫耕婦辟纊有子有黃犢  
綿綿風雨天愛此數茅屋

過楓橋

十月霜未降楓橋楓葉青人家隔秋水鐙火隱回汀遠  
浦雁聲落寥天風色冥烏唳鐘正晚清絕掩篷聽

渡江

江風吹日薄江氣繞林昏杳杳迷京口荒荒接海門平  
潮吞野岸一雁點秋痕空負澄清志同誰擊楫論

泊新陽

婁東七十里城郭面新陽岸火迎漁子河冰帶女牆寒  
俚邨店酒遠見戍樓霜坐聽鄰舟客依稀話海防

黃浦

風雪渡黃浦勞勞媿此身堅冰破船腹白浪卷河脣盡

日書遮眼殘年酒放春天池應未遠獷獺漫窺人

贈金道堅永

曰歸歸未可且住亦何心面目遭時陋風塵障眼深閉  
門全故我空谷得高吟自是成連子裴回海上琴

大俠人閒少固窮吾道尊斧柯誰一世心事且同論望  
斷春如海魂傷月到門摩挲三尺劍寂寞共晨昏

一櫂辭淮水吳天奉老親故鄉雲外樹客思酒邊尊直  
道誰容汝讀書甘食貧小人猶有母風雨倚閭頻

渡太湖

三萬六千頃盪搖風雨間樹頭沈木瀆蓬背走箕山浪



卷逐飛隼湖明下白鷗  
媿閒在行役回眺數煙鬟

池上

涼月不著地火雲飛滿庭  
猶聞繞樹鵲時閃隔天星  
弄晚笛聲遠搖煙荷氣馨  
祇憐數竿竹照水影青青

雁

長水綠復綠旅情孤更孤  
魂銷秋一雁天遠下三吳  
暮雨驚寒蚤遙空逐伴呼  
關心吾見汝珍重在江湖

焦山

甕覆雲入城颿張浪排雪  
言尋枕江閣行楫冬十月陰  
崖光閃爍脚底龍蛇窟  
落級上層層松寒氣蕭瑟周鼎



攷無專鶴銘辨眞逸文字捫斑駁熟讀抵濡脫寶氣護  
雲壑絕頂轉疏豁江山縱游目得氣秀無匹出浪南徐  
平檣空北固立笏代此戰爭浮雲看得失成敗論英雄  
何須又今日茲游興未足更復歷禪室奇境天所開道  
心靜斯澈天畫一泓青地接五湖白歸橈指京口又與  
名山別落日沈大江煙濤浩難越

田家

一屋面水柴作扉雄雞弔弔黃牛肥牀頭巨魚縱大叢  
樹角片帆懸落暉小桃源似幽徑闢古田家在修竹圍  
江山無主復笑我飯青蕪處胡不歸

別蕪園

虛亭會百泉破屋漏一雨用是名蕪園容邴欣得所梅  
竹氣蕭森莓苔上庭廡荒涼半晦宮經營勞我父我父  
既云亡我身委羈旅離聲牆外禽行色煙中櫓饑寒驅  
作客獨行忘踽踽在昔罹烽火鄉閭一焦土亡者四千  
人生存二十五骨肉賸零星流離我心苦至今荒山裏  
流毒聚豺虎通問無親朋衡茅自賓主高堂念游子妻  
孥守蓬戶昨歸今出門一別一寒暑相知定何人茫茫  
向江許讀書媿未成好古竟何取男兒好身手何不拔  
劍舞區區謀一飽坐受眾人侮滄波洗兩眼豪氣鬱難

吐回頭望鄉里高歌聊激楚攜家苦無力所至輒齟齬  
何時隨狙公故山拾秋芋

贈周陶齋大令作銘

落梅風起處問訊慰平生一笑飲吳市幾年疏宦情游  
拚滄海遠春愛袂衣輕握手忍言別遲遲殘月明

辛巳重陽

客中又重九佳節屢孤負黃華敗風雨對誰開笑口去  
歲逃索逋今歲思尊鱸明歲更安往今吾猶故吾吾欲  
歸家園讀書事耕稼生計亦何疏破屋荒山下人生事  
由天奚須常苦顏酤酒蓬背坐醉看溪南山

鰈硯廬圖沈仲復大中丞命題

奇物不世出神契有獨鍾勝因開自先氣感潛相通  
眄彼沂水流萬古青沖融云有神魚石百年不一逢  
得之大吉慶翔徵無終窮巍巍吳興公弗祿集乃躬  
至寶天所錫光瑞何熊熊剖之得雙鰈異哉造化工  
比目比嘉耦盛德肅且雍翰墨共唱酬嘉淑將毋同  
豈無雒鵠眼凡品徒礪礪潑潑雙鰈石不待他山攻  
寶硯適所合珠璧聯倉穹遙想媯皇年鍊石彌天空  
特置此一石用留君子充漢代雙魚洗器用古所崇  
持此較眞贗造作何足庸壽攷大富貴麟鳳昌其宗  
子孫其永寶勝彼黃金

鐘

雙瑤寺寄友人

雙瑤倚林表危樓此暫棲溼雲低渡鳥朝日亂鳴雞入  
望煙蕪冷懷人浦樹迷黃華故園好昨夜夢茗西

病馬

病骨山棱棱西風動拳毛困瘁存奇氣願盼猶雄豪憶  
昔爭戰初蹴踏千城壕殺賊助飛將主帥加勛勞玉勒  
黃金鞍千里馳旌旄所過如掣電疾奪秋原雕功成不  
受賞壯士歸蓬蒿棄置不復問顛顛青林臬卽今數箭  
疲歷歷明秋毫功烈旣未顯骨相馮誰描何當越瀚海

十月破天驕汗血敢自愛爲有霍嫖姚苜蓿春正肥飽  
齧能豐饒重此效馳驅漠漠風雲高雄心猶未已伏櫪  
鳴蕭蕭

偕杜楚生連章沈養和涵泛南湖題草閣壁

風生梅樹林吹雪上衣襟一櫂夕陽遠南湖春水深埕  
鈴人共語煙海鳥來尋歷劫空王宅藤蘿未改陰

野宿

獨宿古原上無由好夢尋漫山下黃葉絕壑沍秋陰蟲  
語隔煙起鐙花扶醉吟故鄉渾似客愁絕搗衣砧

丹陽道中

三百里程爭一日望亭亭野接丹陽雲沈水國天何遠  
秋入蘆花氣乍涼失路幾驚窮鳥歎踏車休笑老牛僵  
河魚香稻紛紛飽輸爾南歸雁數行

病中得家書報賊退喜而作歌

鐘鳴葉落風激湍老天病我城南端秋氣感人避更劇  
一室斗大愁天寬魂魄動盪髮膚豎頭昏目暈脣舌乾  
隱几而卧坐而言時見鬼手挑鐙殘調糜量水仗老僕  
病熱弗任衣裳單得僕如此願亦足骨肉遠隔猶團樂  
家書忽報賊氛退全家昨撤烏篷船蕪青亭畔竹葱蒨  
龍溪馬瀆南軒環山妻鄰里慰牢落大酒肥肉牆頭傳

大兒小兒覓梨栗抱孫況得慈母歡此時勝服特健藥  
破涕爲笑心神安生氣頓覺入腸胃起看天地行蹣跚  
杜陵得書喜賊退我今蹶起眞生還滿庭蒼綠照窗戶  
髣髴移我桃花山

香禪精舍圖爲潘彥羊先生鍾瑞題

先生無室家累翕然一身如空山老衲而無打鐘供佛之煩出語精妙深得禪理我詩意淺薄以彼法論之則參得下乘禪也

空山秋月明獨坐會岑寂木犀香裏禪氤氳呼欲出  
入定孤雲微禁寒一衲破況著蒲團處澗秋不可唾  
空諸色與香道體何微妙禪悅不可說唯見拈花笑



儒者不參禪未知忘形蹟試觀濂洛輩多從禪定入

鐙脚論詩圖爲茶礪山人汪芑題

山人圖中與論詩者不知何人所論亦不知何  
詩予與山人論詩往往不甚合此圖中相對而  
絮絮者知非予也惜未之問  
事後思之不覺啞然失笑

空山野梅樹冰雪鍊詩才劫火驅人至茅堂卜勝開寒  
消邨外社屐破水邊苔那得田園樂桃花更補栽

岳廬詩卷一終

岳廬詩卷第二

安吉吳俊昌頌

辛巳紀事

巖壑無端嗥虎狼，獨松關下草荒荒。  
會聞白梃傷夷虜，共駭黃巾縱斧斨。  
歎聚千羣馮鼠社，蕭條三月罷蠶桑。  
石罽壁壘橫溝血，不獨驚烽見武康。

古桃州接餘臨，界贖水殘山。歷劫深剽掠，更張羣盜膽。  
彌縫幾兒長，官心叛成癰。患伊胡底坐，失渠魁禍已沈。  
漫說談兵皆楮，上南來車馬自駸駸。

逸匪傳聞力不支，同仇欲殺冒教遲。  
松茅並燼終歸劫。

魚肉皆民痛此時已見兵車行  
忼慨可憐風雨歎化儼  
縱然不作封侯想銷盡櫓槍合展眉

有婦有親兼有子那堪風鶴故山傳  
思歸反側難忘母  
無恙團樂且信天梅竹依然紛飽露  
琴書曾未礙高眠  
出門自是男兒事牛背行歌媿昔賢

耦園雜詩

古城曲復曲境閒心自遐  
南面擁百城不如書五車

城曲草堂

綠雲不受暑照人心骨清  
我愛山巨源誰是阮步兵

筠廊

廊轉香亦隨廊盡香未已片月下犀廊識得清淨理

樨廊

長袞若善舞時作拂雲態疑是古仙人化石爲狡獪

袞雲軒

墀影映夕陽鐘聲出樹杪日落天氣清幽思知多少

雙照樓

山水不必深意遠境自別具此寥廓心匡廬在几席

山水閣

本是大羅仙來住天香閣清磬何處來疑是詹諸窟

諸香館

武子有嘉樹見愛晉韓起不如召公棠南國留甘美

嘉樹臺

臺虛無障礙白雲閒來往如聞步虛聲前山新月上

凌虛臺

空山聞足音峯同若無路忽開一罅天谷在雲深處

邃谷

潘孝婦傳書後

孝婦瘦

羊母也

鬱鬱貞松蔭啾啾慈烏嘯貞松心不變慈烏聲正悲殉  
夫固所安有姑當屬誰姑存與俱存姑亡生何爲言念

晨昏歡泉路宜追隨想見伴姑日呱呱嗟在懷倚壁鐙  
無光酸風門掩柴十指徧皸瘵兒女褰禪鞵晨起視姑  
食餅罄質以釵飲泣不出聲時恐姑心摧將母代子職  
不惜枯形骸何期天不弔孝感翻成災永無相見期素  
月冷慈幃色笑杳何許深恨骨未灰沈疴歷三月殉姑  
赴泉臺我讀孝婦傳使我中心哀繫誰無翁姑厚薄不  
同歸至性貫生死永永誠無虧顯揚有令子皇天所培  
栽皇天所培栽綽楔高崔嵬繫誰無父母丈夫誰須眉  
蘇州送別紫明先生

闔閭城內聲歌融闔閭城外煙雲空濁酒青山愁送客

碧天長水歎飄蓬  
頻年南北攜詩卷  
放眼江湖識寓公  
何日扁舟共簞笠  
釣竿閒拂蒹葭叢

缶廬詩

金俯將傑贈余古缶云得之古壙了無文字  
樸陋可喜因以名吾廬光緒八年壬午四月記

以缶爲廬廬卽缶廬中歲月缶爲壽俯將持贈情獨厚  
時維壬午四月九雷文斑駁類蚪蚪眇無文字鐫俗手  
旣虛其中守厥口十石五石頗能受興酣一擊洪鐘吼  
廿年塵夢驚回首出門四顧牛馬走拔劍或似王郎偶  
昨日龍湖今虎阜豈不懷歸畏朋友吾廬風雨漂搖久  
暫頓家具從吾苟折釵還釀三升酒同我婦子奉我母



東家印出覆斗鉏西家器重提梁卣攷文作記定誰某  
此缶不落周秦後吾廬位置儕箕帚雖不求美亦不醜  
君不見江干茅屋杜陵叟

驛亭

寒雨驛亭荒亭虛秋樹黃浦深帆漠漠江盡野茫茫到  
眼蒹葭冷留人杜若香願隨漁父去天地久低昂  
敗葉疏紅點平沙凍綠鋪野行惟我獨秋興偶然孤人  
薄抱關吏天憐識字夫風塵隨去住濁酒醉還酤

燕園夢中作

東鄰西鄰攜酒壺南枝北枝唳胡盧綠竹滿庭自醫俗

青蕪作飯誰索租  
眠展蕉陰葉葉大  
坐聽簷雨聲聲粗  
夢醒鐙火逗寒碧  
城頭曙色翻雅雜

欣園汪符生煦同遊

茶花滿地梨花白  
攜手同爲畫裏人  
禁得春寒還小坐  
闔閩城下雨如塵

航海

蛟窟雷翻動蛇山  
浪折回長涂當雨  
雪元氣蟄胚胎世  
界空浮影金銀幻  
作臺瀛州招海客  
欲說病無才  
一水瀉天黑風波  
來渺茫鐙昏魚眼  
射淵塞蚌珠藏積  
翠珊瑚冷迷花島  
嶼荒成連今不作  
誰與鼓琴商

倚枕神仙窟從知造化工水分常浴日海立不因風  
北春雲掩天南曙色通之杲潮影外孤直自爲雄  
海隅開一關遙見煙臺山天仄熬身映度高屨氣環居  
民游莽蒼刻石擁斑斕回首沙門隔斜陽百里閒

贈楊香吟先生光儀

香吟天津人著有  
碧琅玕館詩集

風雨數椽塵不到琅玕萬个手親鉏先生長物錢難買  
海色天光照讀書

古城隅繞三津水問字雲亭數往還觀海此行真不負  
瀛州以外幾名山

鄆南

九月鄆南道家家雲半扉日斜衣趁暖霜重菜添肥地  
闕秋成蚤人荒土著稀盈盈煙水濶鷗鷺笑忘歸

書張哲甫文田大野草堂詩彙後兼寄符生

懷抱不可測吟詩幕復朝北風天雨雪滄海自漁樵醉  
逐華亭鶴才空吳市簫草堂開大野雲樹想蕭蕭

海內存知己

用前  
人句

汪倫最有情酒酣徒擊劍親在敢忘

名天未離居苦霜前獨夜清料應同不寐星斗正縱橫

寄家子常孝廉鍾奇

茗水舊生涯青山況我家大名詩敢敵雄辨氣皆華倚

醉烏程酒感時梅樹花所思渾不遠何日話桑麻

祭詩

欲談離亂苦無稽紀事頻媮杜甫題幾卷叢殘醜酒對  
隔窗猶怕鬼雄唬

鳴鑪香暖酒盈甌問訊梅花匿笑不一事今年狂更甚  
水哉長歎海東頭

亂書堆裏費研磨得句翻從枕上多只恐苦吟身盡瘦  
一盃自酌漫蹉跎

甲申三月鈇老過西晦巷新居索和

照檻水盈缶翻書風過墻展喧春草亂人舞落花狂嗜

古出天性逐居成獨行東西南北路愁思晚蒼蒼

林鳥候風色郵亭爭夕暉徑荒迎野步雲散逐征衣岸  
影桃花泊江城燕子飛古吳春漸老乘興欲何依  
春水浩無際桃源休問津山山青向晚物物長迎人逆  
旅登屢久輕寒中酒頻靡蕪歌采采客思幾回新

一雁

一雁引新愁涼風動九州林昏驚月墮埕迴任雲流鬼  
火臧蕭寺江聲撼敵樓幾回搔短髮容易又悲秋

紫明先生就醫蘇州語舊

天地葉飛初憐君過敝廬吟懷因病減高性愛人疏湖

海氣無敵菰蘆髮不梳青鐙還照影故態莫教除

送紫明先生還安吉

記曾秋思動湖湄小艇尋秋去去隨知我能狂青眼舊  
如君用拙古人誰鞠華香冷迎歸權玉磬音沈伴下帷

時掌教磬山書院

此去逸情霄漢接西風別淚又胡爲

北寺埕

埕形孤且直更上莫蹉跎平野吳如沼南天江始波有  
懷征雁去無盡遠山多別有尋秋思馮誰解獻歌

登北寺埕和壁閒均

驛柳城雅動莫哀再登危埕望蘇臺雲霄千佛笑人老

風色一林驚雁來  
范蠡船空秋水綠  
支公巷古夕陽開  
英雄極目今誰是  
頻仗狂歌勸酒盃

得天津楊香吟孝廉書卻寄

問津黑水三千里  
看竹窮簷十萬竿  
書到秋聲傳紙上  
酒醒名士隔雲端  
至情老去還依母  
頻歲饑來轉謝官  
料得關河霜雪蚤  
蘆簾土鏗對清寒

秋雨蔣苦壺玉棧招飲

寒江秋漲莽蕭條  
浩氣平生漫坐銷  
竹粉侵牆風細細  
落花蔓石雨朝朝  
上書獷獺窺韓愈  
作豕蝸牛笑李潮  
鹵酒莫辭今夕醉  
古懷拚用百盃澆



讀楊荻翁先生遲鴻軒詩集並謝題削觚廬印存  
公詩有神公莫嗟蒼然古調彈銅琶金石淵淵出歌歎  
毫毛茂茂翻龍蛇披衣當風坐晨氣彊項入世儕秋花  
笑我耕夫望不及也思識字來停車

平生恨未多讀書刻畫金石長嗟吁贈言直抵江山助  
大美不在面目腴眇舞此曲吾烏敢嗜痂有癖公誰俱  
寓庸齋頭好秋色坐我但覺游唐虞

裴翁顏其居曰庸齋又曰寓庸齋

寄六泉山人

河聲西向廣茗長聞道朱雲姓氏香  
落葉鐘鳴新樂府  
黃花鏗影古重陽  
愁來拔劍斷流水  
歸去看山眠草堂

百不如人何礙老知君贏得是清狂

重九

把卷浮生見滅鐙行役休雨昏眠愛麗詩瘳坐鳴秋落  
木河之浹重陽樓上頭涼風吹斷雁愁思滿蘇州

憶昔

憶昔避賊黃茅岡重陽無酒天爲霜鬪叢滿眼大道旁  
登高唯見斜陽黃是時厲氣乘秋涼大母卧病六尺牀  
我父乞藥龜山場我母侍側眠不遑一鐙掛壁秋無光  
西風入屋鳴枯腸軟脚病我神悽惶日拾橡栗難盈匡  
有妹有妹相偕行餘生十載尤匆忙對茲令節增煩傷

穹窿一山雲低昂東西洞庭煙蒼茫一官匏繫心徬徨  
人生富貴何所望胡不遂初返故鄉不然手挽疆弧射  
天狼使我倚天長劍生光鋔

福兒書報蕪園近景編成三絕句寄令讀之

當年舊物仍我家青青者蕪黃鞠華屈彊亦有古梅樹  
空山白雲檜槎枒

東鄰種竹覆我墻兄弟讀書就作房閉門屢月斷人跡  
莓苔一徑通秋光

荒雞曉上蕪青亭了無人在秋月明山城靜趣貌不得  
除却天籟唯打更

感夢

元配章氏同邑過山人難中病沒倉卒薤桂樹  
下亂定發之不得其骨傷哉光緒十年甲申九  
月晦夜蘇州寓  
中忽夢見之

秋眠懷舊事  
吳天不肯曙  
微響動精爽  
寒葉落無數  
青楓雨冥冥  
雲黑月未吐  
來兮魂之靈  
飄忽任煙霧  
涼風吹衣袂  
徐徐展跬步  
相見不疑夢  
舊時此荆布  
別來千萬語  
含意苦難訴  
我昔避賊難  
從父止皇路  
孝豐奉母  
賴汝賢山野  
同去住壬戌  
賊東下我歸  
三月暮牆屋  
一無恙舊物  
雲煙付劫火  
燒不盡中庭  
桂之樹我母  
爲我言是汝  
葬身處汝死  
未及旬當時  
記不誤賊平  
奉父歸

甲子中秋度亂後百事廢  
蕤骨先所務攜鋤闢榛莽  
形蹟了無遇淚下聲復吞  
裴回空四顧倉皇遠來意  
知汝憐我固慰汝一言在  
吾身困猶故後匹菱湖施  
家計頗吾助大兒年十二  
作詩漸成句次兒九歲彊  
弄筆滿天趣兒雖非母出  
母汝汝當護汝言我長佩  
汝德我長慕他年招魂葬  
同穴傍祖墓黃泉無自悲  
百歲猶旦暮

飽飯

飽飯無所向高原取路行  
江花延旅思鬼語雜風聲  
荒戍柳搖白晚山雲過平  
寂寥誰謂苦牛馬任呼名

飛動白雲處誰家山對門  
且題修竹去一倚酒鑪溫  
潭

水散孤月漁燈空遠邨塵氛天隔斷不厭坐黃昏

四閒樓

四閒樓高風泠泠寒山鐘入煙冥冥城隅一墉聳孤秀  
江上數峯排眾青酌酒自作東道主卧游勝讀南華經  
日光晨氣盪檐角梅花樹樹開圍屏

晨坐鐵老寓齋

夕雨潤花晨可憐東望春何心爾詩老瞠目對愁人默  
抱天涯感如親酒味醑相逢情不淺林卧欲呼頻

鐵老約游鄧尉不果

水楊柳青天無涯一聲兩聲嗥老雅矮屋當樹晝忽暮

寒風滿城春不花  
吁嗟游子世寡偶  
芒屨布鞵飛蓬首  
安得上下隨白雲  
過莫釐峯渡胥口

虎邱

清磬數聲沈虎邱  
荒邨斜日下羊牛  
風生遠浦吹萍合  
人坐扁舟散髮游  
太古有情山到眼  
禪機無語石回頭  
摩崖讀徧吾誰與  
鑿影蒼涼月一鉤

潘燕池先生書問近況奉答

薄宦如游民浮家累妻孥  
一屋雨打頭達旦聲  
咿唔呼名鳥友朋閉戶人  
菰蘆能狂山簡誰固窮  
東野吾讀書萬卷愁鑿石  
雙手痛那知刻畫能深入  
貧賤涂游刃雖

有餘見咄屠門屠吾師旅食寬歎息門下孤容髯感蒼  
涼心血愁彫枯來書贈我言自苦何爲乎局促人中龍  
浩蕩江頭鳧時光任轉移富貴何有無春江酒變成此  
說良不誣與公爛醉期行止交相扶

寓齋鬪飲招鐵老

柳條拂地東風勻春江不染纖纖塵看碧桃花過寒食  
聽黃鸝兒隨酒人高談雄辨客愁散原上水邊天氣新  
借問老翁苦岑曷不賦詩來頻頻

寄符生

點點雨飄暮荒荒雲過山媚人花蕩漾迷鬼竹斑斕大



道悲無仰微官信有閒商量加舊學何日子之還

壺園餞春圖爲鄭小坡孝廉文焯題

花影水清淺石根雲去來壺園明鏡裏詩境古吳開把  
酒自爲壽得天無盡才傳家書帶草蓬勃不須栽  
如笠一亭小隔塵修竹深有鄰鸚鵡柳無語石聽琴息  
影古池夕擁書嘉樹陰壺公君卽是仙隊莫相尋

金睛牛彪要同人登虎阜品憨泉

夏水忽欲滿酒人隨處過羣山青窈窕昨夜雨滂沱就  
竹僧房近回風虎氣多禪心同一笑柰此石頭何

苦茗沈沈醉憨泉滑滑通一亭當古道四月坐南風邨

鬪散游女日斜歸已公打鐘還掃地佛事也匆匆

懷人詩

鐵老詩如枯木禪眇於情性出天然商量聽雨聽風去  
滿眼江湖同放船

鐵老

奇詩動似春葩吐古隸書成亂髮團人是人非都不問  
了無人處自家看

藜翁先生

薊北詩人不可羣庾開府亦鮑參軍碧琅玕館無多地  
容得海風吹白雲

香吟

一官匏繫髻蒼然著作無多信可傳十載揚州應夢覺  
幾時歸放孝廉船

張乳伯先生行字

南船北馬閱人多短後衣從市上過結習盡除天不許

一春還與病銷礫

紫明先生

古廳如水碧苔滋貪看蕉陰筆硯移聞說黃庭初寫罷

暮春天氣救閒時

畢蕉庵兆洪

入世何妨狂是醒不如歸去讓先生六泉山下涓涓水洗得詩腸徹底清

六泉

不肖依歸安固窮文章脫盡老冬烘心胸湖海相摩盪

說著因人耳便聾

東園

新詩題上四間樓春蚓秋蛇墨氣浮狂草今朝留一席

任君塗抹滿牆頭

施石墨爲

黃山白嶽幾回看經過嚴陵七里灘聽水聽風隨處可

香禪居士著蒲團

香禪

倚醉吟詩秋復春東西南北酒爲鄰梅家橋畔三間屋

空與白雲高出塵

茶碾

滿眼滄洲壁上觀閉門風雨發長歎鞠花看罷尋梅去

草木邨人耐歲寒

願茶邨潞

海上浮家長閉關似乘書畫米家船南湖煙雨春無主

想見吟詩思渺然

揚南湖伯潤

枕簟迎風卧碧苔君家雪巷對門開不嫌野性談詩惡

手把芙蓉避暑來

陸廉夫懷

文字搜羅走馬牛壯陶閣上鎖蛟虬尋碑寄語黃司馬

謂小松

初搦黃庭在霍邱

裴伯謙景福

散盤留鼎埋頭讀餓隸奇文活計求聞說得錢終買醉

一樽狂餞古吳秋

潘碩庭志萬

黃花題寄滄江客露氣霜華的的鮮療我頭風真絕技  
且來脫帽看秋天

沈藻卿翰

嘉定阻風騎行十餘里宿野寺

吹葉下紅雨搗衣喧碧潭鄉心搖馬上秋思入江南長  
獻天容仰浮生我夢酣那知今夜宿還與佛同龕

贈寺僧青望

黃茅堆屋石堆墻浦浦風回薜荔香籠閣夜鐙通窈窕  
雨田流水犯淒涼月明古廟蛇神出路滑秋蕪馬足荒  
翰與山僧攤粥飯笑人行役太匆忙

太湖曉發

野店投荒三四間渡頭齊放打魚船數聲鴻雁雨初歇  
七十二峯青自然

天平山看楓和瘦羊

曉鐘催行人出郭犯霜氣邨野雞旣鳴湖壩鳥酣睡蒲  
帆篩細風江色近人媚游興莽寥濶不飲亦心醉山脚  
逶穹隆船頭轉蒼翠肩輿恣遠眺得意如縱轡雞犬幾

人家突兀峯前墜嶺表一關開聞說始明季同游熟掌

故數典聽各異禿樹儼屏嶂很石鬥風致言登宛轉橋

細領荒寒味落葉翻芒屨清泉滌塵思人影盞孟旁

孟盞

泉畔石壁上鑿  
仙人影三字

苔髮石作臂古豕不留名伊誰善罕譬

姓天開一綫拾級趾容二短塢青崖頽古洞白雲沸萬

象莫能狀轉眼若逃避天籟時一聞巖花香撲鼻詩境

探奇幻人似仙行地吹笙王子晉遇之儻無意

萬東園表弟以持硯圖屬題東園遭難後猶得保

先人遺物傳之繪事可記也賦三首

孤露餘生手澤稀粗安窀窆北山陞賸將一片寒雲色

秋雨潺潺寫墓碑

東園屢屬余爲其先大父刻墓誌銘蓋卽余外祖也

垂髫曾侍校奇書深院梧桐葉落初乾死硯田鴟鵂眼  
難尋當日玉蟾蜍

紀難詩篇徹夜裁一池秋水下簾開阿兄半壁尤堪寶

疑是東坡食破來

謂佩珊表兄所藏紫端破硯

除夕

柏葉翠浮酒木瓜紅釘盤古懷當寂寞春望倚闌干補  
讀書胡底忘機劍孺看梅花窗外白和雪自加餐

丙戌人日

草堂人日初泮冰春陰尙閣樓三層青瓊積冷蘊書味



黃花隔年窺夜鏡髮短著風影零亂骨瘦把鏡山峻嶒  
遠鐘敲落樹頭月物理靜悟南窗馮

卽目

蕪蕪草色春風前渡頭老屋圍溪田牛羊鼓腹犬高卧  
唯有白鷗饑看天

雲間寓齋和施譜南離

枯藤古柏龍蛇胎開軒勢與人低徊亭亭樹閃浦東日  
點點雨歇山南雷清琴罷彈絕影響白石亂煮消崔嵬  
雲間夏水綠復滿曷不載酒攜櫻梅

怡園

台屏詩卷二  
藤走修蛇影苔披古佛衣背亭山石簷涉趣水風微綠  
竹媚當晚春城晴見稀天涯魂欲斷胡蝶故飛飛

道堅示交河道上詩卽和

風色盪遼海彈琴多苦音離奇看北斗東縛臆秋心俠  
吐幽燕氣交辭管鮑金蘇臺涼意滿却好對披襟  
眞龍難見賞徒見葉公多回首恩讐事乾坤速老何遑  
舟渺何許一葉澄江波不盡蒼茫感如聞敕勒歌

公周以習射詩見眎并約游虞山劍門病不果往  
公子勇不敢射堂開自由笑談天下事俯仰劍門秋詩  
厭浮名啖狂將爛醉求金貂誰更解商略鑑湖游

葭菼秋連屋巖巒翠擁書興來君命酒此樂我知魚臥  
病三吳渺乘槎八月虛生涯唯一嬾蓬髯晚風梳

丙戌九月十二日瘦羊博士招同人至虎阜爲倪  
雲隴大令壽分得望字

心共孤雲流眼謝俗塵望挽舟江柳情留客沙鷗狀薄  
游秋雨後古綠坐寒漲倪迂詩勁瘦石骨等無恙足跡  
徧天下所欠唯酒量三蕉我長技薄醉未敢讓尋山動  
隨趣舟迢步亦當泉聲穿石竇山腹吐平曠檣空屋數  
椽花徑雲一巷烏鳴煙樹出風落樓鐘撞眞娘墓蕭瑟  
生公法淪喪粉黛化爲土頑石森成行古懷當日暮歸

路別層嶂鄰舟出歌妓修眉遠山樣跌宕琵琶聲按拍  
和高唱秋水春融融一船坐天上

倪雲臞冰天躍馬圖

揮鞭似打天山圍漢家大將今數誰堅冰在須雪沒脛  
得意更榻裴岑碑  
坐生髀肉中心憂躍馬豈必求封侯礪穿盾鼻君莫笑  
箸書歸去還騎牛

種竹

種竹澹吾慮移居十月初戴天同俯仰租地養扶疏塵  
洗室生白影寒風過虛牆頭寧明月高節欲師渠

瘦羊贈汪卽亭侍郎鳴鑿手拓石鼓精本

卽亭翁水洗石鼓蠶蠟登登忘辛苦天一閣本付劫灰  
楮墨如此前無古更喜殘字經搜剔欲媿麟經存夏五  
頗怪當日向傳師礪缺珊瑚何莽鹵曰科未掘先作曰  
碎玉剖珠咎誰主卽亭好古兼好事神物謂不一二數  
太學有公不寂寞講解切磋日卓午鼓高尺餘類柱礎  
想見拓時肘著土心儀文字十餘載思得翠墨縣環堵  
瘦羊博士今斯翁下筆欲剗生龍虎謂此石刻史籀遺  
伯仲虢般與曾籒嫌我刻印奇未能持贈一助吳剛斧  
雖較明拓缺氏鮮勝處分明露釵股韓歌蘇筆論久定

歐疑萬駁辨何補昌黎楮本今難求有此精拓色可舞  
儀徵讓老虞山楊作者同時奉初祖邵亭莫叟尤好奇  
屈彊出之翻媚嫵後學入手難置辭但覺元氣培臟腑  
從茲刻畫年復年心摹手追力愈努葑溪新居南園鄰  
種竹迤花滿庭戶清光日日照臨池汲乾古井礪黃武  
時以黃武  
磚爲硯

沈六琴先生江曲書莊圖文孫詠韶廷鏞索題

莊荒屯白雲巷貧積古雪插架書崔嵬閉戶自怡悅求  
解看青天校讐過白日惜哉讀書人委化類蟬脫魂歸  
蜺江曲楓樹暮蕭瑟咸同烽火惡歷劫到蟻蝨典冊神

扶持無恙出精室有子抱遺經有孫守著述手澤古斑  
斑摩挲補亡失潘師艷君學燕池先生書札報我悉新詩擲  
地聞字字耐咀嚙佳句如何法難得陰鏗說笑我書未  
讀翻好讀碑碣到老不識字談詩坐蜷舌唯君性野樸  
趣與風塵別金石誰敢論媿爾錚錚鐵缶盧枉駕頻聽  
竹弄蕭屑行將挂帆去觀書破愁疾思君一盞清肝腸  
夜深熱

缶廬詩卷二終